

**STATUT  
I SHOQËRISË ME PËRGJEGJËSI TË KUFIZUAR  
“DELTA PLAN STUDIO” sh.p.k.**

Në këtë statut:

- Ligj është Ligji Nr. 9901, datë 14.04.2008 “Për tregtarët dhe shoqëritë tregtare” i ndryshuar;
- “Statut” është Statuti i Shoqërisë;

**KREU I**

**Themelimi, Emërtimi, Objekti, Selia, Kohëzgjatja**

**Neni 1 – Themelimi, Forma dhe Ortakët**

- 1.1. Sot, më datë 28.01.2021, ne, themeluesit vendosëm krijimin e një shoqërie me përgjegjësi të kufizuar, me emrin "**DELTA PLAN STUDIO**" sh.p.k, veprimtaria e së cilës do të rregullohet me anë të këtij Statuti dhe Aktit të Themelimit.
- 1.2. Themeluesit e shoqërisë janë:
  - Z. Mikel Rapollari**, adresa: Rruga "Naim Frasher", Pallati i Ri Renis, Nr.60, Shkalla 1, Ap. 6, Tiranë.
  - Zj. Natasha Islamaj**, adresa: Blv. Bajram Curri, Nd. 10, H. 17, Ap. 25, Njësia Administrative/Bashkiake Nr. 5, Tiranë.

Shoqëria vepron sipas legjisacionit shqiptar në fuqi.

- 1.3. Akti i Themelimit dhe Statuti janë në përputhje me legjisacionin shqiptar që ka karakter të detyrueshëm, ndërsa çështjet që nuk janë shprehimisht të parashikuara në to, plotësohen nga legjisacioni shqiptar.

**Neni 2 – Emërtimi**

**2.1 Emërtimi i Shoqërisë është "**DELTA PLAN STUDIO**" sh.p.k**

**Neni 3 – Objekti i shoqërisë**

- Studimi, projektimi, instalimi, ndërtimi, mbikëqyrja dhe kolaudimi i impianteve të prodhimit të energjisë elektrike nga dielli, era, uji, burimet termike, burimet gjeotermale, biogazi, nafta dhe qomyri, për shoqërinë ose për të tretët, etj;

- Studimi, projektimi, instalimi, ndërtimi, mbikëqyrja dhe kolaudimi i nënstacioneve elektrikë, primar, sekondar, kabinave elektrike të rrjetit shpërndarës dhe transformatorëve, linjave elektrike të tensionit të lartë, të mesëm dhe të ulët, ajrore, kabllore, etj, për transmetimin dhe shpërndarjen e energjisë elektrike;
- Studimi, projektimi, instalimi, ndërtimi, mbikëqyrja dhe kolaudimi i linjave dhe impianteve/rrjeteve të brendshme dhe të jashtme elektrike, telefonisë, radiotelefonisë, TV-ve etj, për objekte civile dhe industriale, linjave të telefonisë dhe telekomunikacionit, impiante të sinjalistikës ndriçuese të trafikut, etj;
- Studimi, projektimi, instalimi, ndërtimi, mbikëqyrja dhe kolaudimi i instalimeve hidrosanitare, instalimeve termoteknike, sistemeve të ventilimit, sistemeve të kondicionimit, sistemeve të furnizimit me gaz, etj;
- Auditimi energetik i ndërtesave civile, publike dhe jopublike, auditimi i ndërtesave dhe instalimeve industriale, si dhe çertifikimi i performancës së energjisë së ndërtesave dhe instalimeve industriale;
- Hartimi i Raporteve të Vlerësimit të Ndikimit në Mjedis, studime mjedisore, kryerja e monitorimeve dhe auditimeve mjedisore, hartimi i ekspertizave për probleme mjedisore, dhënie konsulencë për çështje mjedisore etj;
- Prodhimi, furnizimi, tregimi i energjisë elektrike;
- Import-eksporti i mallrave e paisjeve të teknologjive të ndryshme në fushën e energjisë, që përdoren për ndërtimin, mirëmbajtjen dhe menaxhimin e centraleve/sistemeve/impjanteve fotovoltaikë, termodinamike e formave të tjera të prodhimit të energjisë të ushqyera nga burime të ndryshme primare si: hidrike, diellore, me ere, biomasa, etj;
- Import-eksporti i mallrave e paisjeve të teknologjive të ndryshme për instalime hidrosanitare, instalime termoteknike, sisteme ventilimi, sisteme kondicionimi, sisteme të furnizimit me gaz, etj;
- Konsulencë ligjore, teknike, ekonomike në çdo aktivitet që lidhet me fushën e energjisë, eficencës së energjisë, mjedisit etj;

Shoqëria mund të kryejë çdo aktivitet tjeter të nevojshëm apo të dobishëm për realizimin e qëllimeve të shoqërisë.

#### **Neni 4 – Selia**

- 4.1. Selia e Shoqërisë ndodhet në adresën: Rruga "Milto Tutulani", Nr.3, Tiranë.
- 4.2. Transferimi i selisë së Shoqërisë në një vend tjeter bëhet me vendimin e Asamblesë së Ortakëve.
- 4.3. Asambleja e Ortakëve mund të vendosë hapjen e filialeve, degëve dhe përfaqësive të Shoqërisë në qytete të tjera të Shqipërisë si edhe jashtë saj.

#### **Neni 5 – Kohëzgjatja e veprimtarisë**

- 5.1. Kohëzgjatja e veprimtarisë së shoqërisë do të jetë për një afat kohe të pacaktuar.
- 5.2. Shoqëria mund të prishet në çdo moment që mund të vendoset prej ortakëve sipas parashikimeve të ligjit për tregtarët dhe shoqëritë tregtare.

## **KREU II**

### **Kapitali themeltar, Kontributet, Ndarja e pjesëve të kapitalit**

#### **Neni 6 – Kapitali themeltar dhe Kontributet**

- 6.1. Kapitali themeltar i shoqërisë është 100.000 (njëqind mijë) lekë.
- 6.2. Kapitali themeltar i shoqërisë përbëhet nga 2 (dy) kuota. Pjesëmarja e themeluesve në kapitalin e shoqërisë është në përpushje me kontributet e tyre si më poshtë:
  1. Ortaku Themelues Z. Mikel Rapollari; Zotëruar i 1 (nje) kuote, me vlerë të përgjithshme 70.000 lekë që përbën 70 % të kapitalit themeltar të shoqërisë.
  2. Ortaku Themelues Zj. Natasha Islamaj; Zotëruar i 1(nje) kuote, me vlerë të përgjithshme 30.000 lekë që përbën 30 % të kapitalit themeltar të shoqërisë.

#### **Neni 7 - Rritja e kapitalit themeltar**

- 7.1. Kapitali themeltar mund të rritet pa kufi në çdo moment, me vendim të Asamblesë së Ortakëve që përfaqësojnë të paktën  $\frac{1}{4}$  (tre të katërtat) e kapitalit themeltar.
- 7.2. Në rast rritjeje të kapitalit, kuotat e ortakëve të Shoqërisë do të rriten sipas shumave të përcaktuara në vendimin e asamblesë.
- 7.3. Në asnjë rast shumica nuk mund të detyrojë një ortak për të rritur angazhimin e tij në kapitalin themeltar.

#### **Neni 8 – Zvogëlimi i kapitalit themeltar**

- 8.1. Shoqëria mund të zvogëlojë kapitalin themeltar me vendimin e Asamblesë së Ortakëve, me votën pro të ortakëve që zotërojnë të paktën  $\frac{1}{4}$  (tre të katërtat) e kapitalit themeltar. Në çdo rast kapitali themeltar nuk mund të zvogëlohet nën kufijtë e parashikuar nga ligji.
- 8.2. Zvogëlimi i kapitalit përballohet nga secili prej ortakëve sipas shumave të përcaktuara në vendimin e asamblesë.

#### **Neni 9 – Transferimi i pjesëve të kapitalit dhe e drejta e parablerjes**

- 9.1 Pjesët e kapitalit janë lirisht të transferueshme ndërmjet ortakëve, sipas nenit 73 të ligjit 9901, datë 14.04.2008 “Për tregtarët dhe shoqëritë tregtare” i ndryshuar.
- 9.2 Në rast transferimi të pjesëve të kapitalit në çdo lloj forme në favor të personave të tjerë nga ata të parashikuar më sipër, si me shpërblim ashtu edhe pa shpërblim, me çdo kusht, duke përfshirë edhe dhurimin, ortakët e tjerë gjëzojnë të drejtën e parablerjes mbi këto pjesë kapitali.
- 9.3 Në një rast të tillë ortaku që do të transferojë pjesët e tij të kapitalit duhet t'i njoftojë ortakët e tjerë, me letër rekomande, mbi synimin për shitjen, çmimin, kushtet, modalitetet, emrin e blerësit dhe afatet e transferimit. E drejta e parablerjes i referohet të gjitha pjesëve të kapitalit ofruar për shitje.
- 9.4 Ortakët do të kenë në dispozicion 15 (pesëmbëdhjetë) ditë nga marrja e letrës rekomande, për t'i komunikuar ortakut që transferon pjesët e kapitalit, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, prezumohet se kanë hequr dorë nga e drejta e tyre e parablerjes.
- 9.5 Në rast se oferta pranohet nga disa ortakë, pjesët e kapitalit të ofruara nga ortaku që transferon pjesët e kapitalit, do të ndahen nga ortakët pranues, në të njëjtën masë më pjesët që ata zotërojnë, përvèç rastit kur ka një marrëveshje të kundërt. Nëasnje rast, pranuesi i ofertës nuk mund të ushtrojë pjesërisht të drejtën e parablerjes.
- 9.6 Në rast se nuk ushtrohet e drejta e parablerjes, pjesët e kapitalit mund t'i transferohen të tretëve plotësisht apo pjesërisht, me vendimin e Asamblesë që përfaqëson të paktën  $\frac{3}{4}$  (tre të katrat) e kapitalit themeltar.
- 9.7 Në rast të transferimit të pjesëve të kapitalit për shkak trashëgimie *mortis causa* ortakët e tjerë kanë të drejtë të shprehin pëlqimin e tyre për ortakët e rinj. Nëse ortakët e Shoqërisë nuk jepin pëlqimin e tyre për ortakët e rinj pjesët e kapitalit mund t'i transferohen të tretëve plotësisht apo pjesërisht, me vendimin e Asamblesë që përfaqëson të paktën  $\frac{3}{4}$  (tre të katrat) e kapitalit themeltar.

### **KREU III ORGANET VENDIMMARESE DHE DREJTUESE**

#### **Neni 10 – Asambleja e ortakëve dhe kompetencat e saj**

- 10.1 Asambleja e Përgjithshme e Ortakëve është organi i vetëm vendimmarrës i shoqërisë.
- 10.2 Asambleja e Përgjithshme e Ortakëve është organi i vetëm vendimmarrës i shoqërisë që miraton çdo ndryshim në statut sipas modaliteteve të përcaktuara nga ligji.

- 10.3 Asambleja e Përgjithshme e Ortakëve është përgjegjëse për marrjen e vendimive për shoqerinë për çështjet e mëposhtme:
- a) përcaktimin e politikave tregtare të shoqërisë;
  - b) ndryshimet e statutit;
  - c) emërimin e shkarkimin e administratorëve;
  - ç) emërimin e shkarkimin i likuiduesve dhe të ekspertëve kontabël të autorizuar;
  - d) përcaktimin e shpërblimeve për personat e përmendur në shkronjat "c" dhe "ç" të kësaj pike;
  - dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
  - e) miratimin e pasqyrave financiare vjetore dhe të raporteve të ecurisë së veprimtarisë;
  - ë) zmadhimin dhe zvogëlimin e kapitalit;
  - f) pjesëtimin e kuotave dhe anulimin e tyre;
  - g) përfaqësimin e shoqërisë në gjykatë dhe në procedimet e tjera ndaj administratorëve;
  - gj) riorganizimin dhe prishjen e shoqërisë;
  - h) miratimin e rregullave procedurale të mbledhjeve të asamblesë;
  - i) çështje të tjera të parashikuara nga ligji apo statuti.
- 10.4 Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.
- 10.5 Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëtin rend dite.

#### Neni 11

#### Mënyra e thirrjes së mbledhjes së Asamblesë së Përgjithshme të Ortakëve

- 11.1 Asambleja e Përgjithshme e Ortakëve thirret nëpërmjet një njoftimi me letër rekomande ose me njoftim nëpërmjet postës elektronike. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpëra datës së parashikuar për mbledhjen e asamblesë.
- 11.2 Asambleja e Përgjithshme e Ortakëve thirret të paktën një herë në vit, brenda 6 (gjashtë) muajve nga mbyllja e vinit finanziar për miratimin e bilancit, të raportit të Administratorit, ekspertit kontabël si dhe inventarit.
- 11.3 Asambleja e Përgjithshme e Ortakëve mund të thirret në çdo moment nga një prej Administratorëve ose nga një ose disa ortakëve që përfaqësojnë më shumë se 5% (pesë për qind) të kapitalit themeltar.
- 11.4 Asambleja mund të thirret edhe jashtë selisë së Shoqërisë, si dhe jashtë territorit Shqipëtarë.
- 11.5 Mbledhjet e Asamblesë mund të mbahen edhe nëpërmjet telekonferencës dhe videokonferencës, me kusht që të gjithë pjesëmarrësit të mund të identifikohen dhe t'i lejohet atyre të ndjekin diskutimin dhe të ndërhynë në momentin e

trajtimit të argumenteve, pasi të jenë verifikuar këto kërkesa që duhet të rezultojnë në procesverbalin e mbledhjes, Asambleja konsiderohet e mbajtur në vendin ku ndodhet Kryetari në të cilin duhet të ndodhet edhe Sekretari i mbledhjes.

- 11.6 Asambleja vendos mbi ndryshimet në Statut me votën *pro* të ortakëve që përfaqësojnë të paktën  $\frac{3}{4}$  (tre të katërtat) e kapitalit themeltar.
- 11.7 Çdo Asamble drejtohet nga një ortak ose ndonjë përsone tjetër i caktuar nga e njëjtë Asamble. Për pasqyrimin e vendimit Asambleja emëron një Sekretar, që mund të jetë edhe jo-ortak.
- 11.8 Asambleja do të thirret dhe mbahet rregullisht edhe pa respektimin e formalitetave të njoftimit të parashikuara në pikën 1 të këtij nenit, në rast se janë të pranishëm ortakët që përfaqësojnë të tërë kapitalin themeltar.

## Neni 12

### Kuorumi

- 12.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.
- 12.2 Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit “Për Tregtarët dhe Shoqëritë Tregtare”, ajo mund të marrë vendime të vlefshme vetëm, nëse ortakët që zotërojnë më shumë se gjysmën e numrit total të votave, janë të pranishëm personalisht, votojnë me shkresë, apo mjete elektronike, sipas parashikimeve të pikës 3, të nenit 88 të këtij ligji.
- 12.3 Nëse asambleja e përgjithshme nuk mund të mblidhet për shkak të mungesës së kuorumit të përmendur me lart, asambleja mblidhet përsëri, jo më vonë se 30 ditë, me të njëjtin rend dite.

## Neni 13

### Marrja e vendimeve

- 13.1 Asambleja e përgjithshme vendos me tri të katërtat e votave te zoteruesve te kapitalit, për ndryshimin e statutit, zmadhimin ose zgjedhimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
- 13.2 Asambleja e përgjithshme vendos me shumicën e votave të ortakëve pjesëmarrës, për çështje te tjera si:
  - a) përcaktimi i politikave tregtare të shoqërisë;
  - b) emërimin dhe shkarkimin e administratorëve;
  - c) emërimin e shkarkimin i likuiduesve dhe të ekspertëve kontabël të autorizuar;
  - ç) përcaktimin e shpërblimeve

- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
  - e) përfaqësimin e shoqërisë në gjykatë dhe në procedimet e tjera ndaj administratorëve;
  - f) miratimin e rregullave procedurale të mbledhjeve të asamblesë;
- 13.3 Çdo ndryshim statuti duhet të depozitohet pranë QKR për të pasqyruar ndryshimet në skedën e shoqërisë.

#### Neni 14

##### Përjashtim nga e drejta e votes

- 14.1 Ortaku nuk mund të ushtrojë të drejtën e votës nëse asambleja e përgjithshme merr vendim për:
- a) vlerësimin e veprimtarisë së tij;
  - b) shuarjen e ndonjë detyrimi në ngarkim të tij;
  - c) ngritjen e një padien daj tij nga shoqëria;
  - ç) dhënien ose jo të përfitimeve të reja.
- 14.2 Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëtin konflikt interesit, ashtu si dhe ortaku, të cilin përfaqëson.

#### Neni 15

##### Administrimi

- 15.1 Asambleja e përgjithshme emëron një ose më fizikë si administratorë të shoqërisë. Afati i emërimit, është 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Regjistrimit.
- 15.2 Administratorët e një shoqërie tregtare mëmë, sipas përcaktimit të nenit 207 të ligjit, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.
- 15.3 Përfaqësimi ligjor i Shoqërisë i besohet Administratorëve, bashkarisht apo veçmas.
- 15.4 Administratorët mund të emërojnë përfaqësues të posaçëm për veprime apo kategori të caktuara veprimesh.
- 15.5 Z. Mikel Rapollari emërohet administrator i shoqërisë për një afat 5 (pesë) vjeçar.

Të dhënat e identifikimit:

(mbiemrat, emrat, adresat):

Rapollari Mikel

Adresa: Rruga "Naim Frashëri", Pallati i Ri Renis, Nr. 60,  
Shkalla 1, Ap. 6, Tiranë.

Specimenët e nënshkrimit:

Mikel Rapollari

## **Neni 16**

### **Kompetencat e Administratorëve**

16.1 Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- c) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojnë për para asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisëtregtare;
- ë) kryejnë detyra të tjera të përcaktuara në ligj dhe në statut.

16.2 Administratorët janë të detyruar të thërasin Asamblenë e Përgjithëshme, në rastet kur:

- a) shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 përqind të aseteve të shoqërisë, që rezulton në pasqyrat e fundit financiare të certifikuara.
- c) shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 përqind të aseteve të shoqërisë, që rezulton në pasqyrat e fundit financiare të certifikuara.

16.3 Asambleja e përgjithshme mund të shkarkoje administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

## **Neni 17**

### **Përgjegjësitë e Administratorit**

17.1 Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë. Pasojat e marrëveshjeve të pamiratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

17.2 Përveç sa është parashikuar në dispozitat e përgjithshme të detyrimit të

besnikërisë, sipas neneve 14, 15, 17 e 18 të ligjit “Për Tregtarët dhe Shoqëritë Tregtare“, administratori detyrohet:

- a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërsi, duke i kushtuar vëmendje të veçantë ndikimit të veprimtarisë së shoqërisë në njedis;
- b) të ushtrojë kompetencat që i njihen në ligj dhe në statut vetëm për arrijen e qëllimeve të përcaktuara në këto dispozita;
- c) të vlerësojë me përgjegjësi çështjet, për të cilat merret vendim;
- d) të ushtrojë detyrat e tij me profesionalizmin dhe kujdesin e nevojshëm.

17.3 Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit “Për Tregtarët dhe Shoqëritë Tregtare” i ndryshuar, kryen veprimet e mëposhtme:

- a) u kthen ortakëve kontributet;
- b) u paguan ortakëve interesa apo dividendë;
- c) u shpërndan aktivet shoqërisë;
- ç) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
- d) jep kredi.

#### **Kreu IV** **VITI FINANCIAR-EKSPERTET**

##### **Neni 18**

###### **Viti Financiar**

18.1 Viti financiar i Shoqerise fillon me 1 Janar dhe perfundon me 31 Dhjetor. Perjashtmisht, viti i pare financiar fillon nga data e regjistrimit te shoqerise ne Qendren Kombetare te Regjistrimit dhe mbyllte me 31 Dhjetor.

##### **Neni 19 – Eksperti kontabël i autorizuar**

- 19.1 Në rast se kërkohet nga ligji apo vendoset nga Asambleja e Ortakëve, kontrolli i bilanceve dhe librave kontabël të Shoqërisë mund t'i besohet një eksperti kontabël të autorizuar.
- 19.2 Eksperti ka për detyrë që të kontrollojë të gjithë dokumentacionin kontabël të veprimtarisë ekonomiko tregtare të shoqerisë, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tille i ngarkuar nga ana e ortakëve.
- 19.3 Në përfundim të kontrollit, eksperti kontabel i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për

kontrolllet periodike të ushtruara, të cilat është i detyruar që t'ja paraqesë e dorëzojë në kohë ortakëve për t'i shqyrtuar e miratuar mbi bazën e të drejtës vendimore që ka.

- 19.4 Eksperti kontabël i autorizuar mund të shkarkohet sipas mënyrës së parashikuar nga legjislacioni në fuqi.

#### **Neni 20 – Fitimet**

- 20.1 Fitimet që rezultojnë nga bilanci vjetor, duke zbritur 5% (pesë për qind) që caktohen për rezervën ligjore deri në 10% (dhjetë për qind) e kapitalit themeltar, u shpërndahen ortakëve në proporcion me pjesët e kapitalit themeltar të zotëruara.

#### **KREU V**

#### **PRISHJA LIKUIDIMI DHE RIORGANIZIMI I SHOQËRISË**

#### **Neni 21 – Prishja**

- 21.1 Shoqëria prishet me përfundimin e afatit të parashikuar nga Statuti, ose përpërfundimit në rastet e parashikuara nga ligji, ose me anë të një vendimi të Asamblesë së Ortakëve, me shumicën e kërkuar për ndryshimet në statut.
- 21.2 Shoqëria nuk prishet në rast të humbjes së zotësisë për të vepruar, pazotësisë juridike, vdekjes, ose falimentimit të ortakëve.

#### **Neni 19 – Likuidimi**

- 19.1 Në rast prishje, Shoqëria duhet të likuidohet.
- 19.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivit dhe pasivit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 19.3 Me përfundimin e procedurës së likuidimit, Asambleja do të vendosë mbi bilancin financier përfundimtar, mbi punën e kryer nga likuiduesi dhe mbi përfundimin e procesit të likuidimit.
- 19.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

#### **Neni 20 - Zgjidhja e mosmarrëveshjeve**

20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe aktit të themelimit, si edhe ato që mund të lindin në përgjithësi midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.

20.2 Në rast se nuk arrihet një marrëveshje atëherë palët do ti drejtohen Gjykatës.

**ORTAKU I SHOQËRISË**

Mikel Rapollari

Mikel Rapollari  


**ORTAKU I SHOQËRISË**

Natasha Islamaj

Natasha Islamaj  
N. Islamaj  
